

欽定科場條例

欽定科場條例卷五

科舉

咨送文冊限期

現行事例

一順天鄉試順天學政國子監奉天府丞於場期十日以前將應試各生造冊咨送逾限續送者一面駁回一面將違例送考各員奏請交部議處。

一順天生員應赴羅試者先期報明本學總送

年貌清冊。備文呈送學政衙門收考。取錄之後。該學政將名冊。知照順天府投卷。

一順天錄遺之貢監生員。與正案一體詳造年貌籍貫全冊。咨送順天府。以便監試。按冊查覈。其直省錄科錄遺等冊。均照此辦理。

一各省生員。每逢歲科兩考。學政轉飭教官。照格眼冊。另造一本。牒造地方官。呈送督撫衙門存案。以備鄉試時覈對。

一每逢鄉會試之年。各直省舉人。及貢監生。有

呈報丁憂起復者。由該督撫專咨報部查核。儻有遲延。卽查取該地方官職名。送部議處。

例案

乾隆十六年。兼晉順天府府尹蔣炳奏准。近科以來。監臣學臣咨送鄉試名冊。每多任意逾期。且有主考已經入場。尙未續送者。以致試卷舛錯。點名散卷。俱爲紊亂。仰請

勅下順天學臣。國子監臣。遵照定例。於場期前月二十七日送齊。如有違例逾限續送。一面照例駁回。

一面奏請將違例送考各員交部議處。

乾隆十九年酌歸簡易案內題准各省貢監生丁憂起復事故遇鄉試年逐案單咨其餘年分各省將貢監生丁憂起復事故按季造冊報部通行各省畫一辦理。

乾隆二十一年覈准御史朱嵒條奏嗣後順天錄遺之貢監生員學政務與正案一體詳造年貌籍貫全冊咨送以便監試按冊查覈

乾隆三十年議准御史戈濤條奏查順天鄉試

凡已經錄取科舉生員。俱令赴學具文。一申學政衙門查驗。一申順天府察覈投卷。其未經錄取者。例赴學臣羅試。則令該學各給羅試文。申送。且取錄之後。臨場復各給驗文。不特於事屬繁復。亦恐啟書吏需索之端。應如該御史所請。將羅試給文驗文。概行停止。其赴羅試者。統令本生先期各報明該學。查無事故。該學總造年貌清冊。備文呈送學政衙門收考。取錄之後。該學政將名冊。知照順天府投卷。

乾隆三十四年覆桂嗣後凡遇鄉試之年各直
省學政造送錄科錄遺等冊均照順天鄉試之
例將年貌籍貫註明移送布政使衙門交該收
卷官於投卷時詳加覈對儻有不符不在收卷
仍將底冊移送提調等官查覈

嘉慶十年咨桂嗣後凡遇舉人在部呈報聞訃
丁憂者本部飭令回籍守制知照該省督撫仍
卽將回籍日期咨部備查其舉人在籍呈報丁
憂者該督撫照例取結卽行咨部註冊如有因

出省先將聞訃丁憂日期報部服滿時
一併取結咨送如遇曾試之年仍照例專報
部以憑查覈如本生漏報丁憂自應照例治罪
如地方官遲延漏報查取職名咨送吏部生例
議處

附載舊例

康熙四十七年題准國子監咨送鄉試各員
八月初二日始到與定限十日以前例
將典簿官交部察議外應試士子仍據例送部

附載駁案

乾隆十八年議覆御史魏誦暉奏稱
例限初一而初四五趕到者仍令入場
鄉試可否照會試之例以初一日爲
等伏思順天鄉試生員由學臣錄送
臣錄送順天府始行收考與會試舉
臣部者不同是以鄉場定例於場期
齊俾順天府從容辦理查冊且以
中頂名冒考諸弊若照會試殿試
爲月無幾不免匆忙外銷而頂冒
逐一察覈學臣或逾期錄送者原係
憑文補送何因此而議監官辦理
順天鄉試錄科仍令學臣格遵定例
於十日前冊送應將該御史所奏
處毋庸議

科舉

新疆應試馳驛

現行事例

一新疆應鄉試貢監生員人等。俱准馳驛。

例案

乾隆四十二年奉

上諭向來雲南貴州舉人進京會試一路賞給驛馬騎坐。所以體恤遠方寒峻者。至優極渥。本年陝西鄉試中式第二名舉人黃斌。卽係新設迪化州阜康縣人。

可見關外人文漸盛殊屬可嘉。第念該處進京道里較雲貴等省更遠。卽每科新疆士子赴西安鄉試路亦不近。而新疆車馬等項。僱覓維艱。殊堪軫念。嗣後嘉峪關以外士子赴西安鄉試及進京會試。並著加恩照雲貴之例一體賞給驛馬。以示優恤。邊陲寒士之至意。欽此。

現行事例

現行事例

一直自舉人。由本籍地方官具結申送。作改。
由司親明詳院。請咨發司轉發各州縣。合舉。
親雪赴部投遞。仍先造冊送部。

一順天鄉試。南北中皿字號。新中舉人。未及。
補起。又者。取具同鄉六品以上京官印結。具。

禮部具會試禮部先期剗知國子監順天府
遵行並出示曉諭

一舊科舉人因依親覓館未及回籍起文者取
要同選六品以上京官印結具呈禮部一體准
其會試隨任子弟由各衙門咨送

一舊宛平二縣舉人由順天府給咨會試不
准取結入場

一各人等糧祿事議處未結及罰料丁憂等

察照示仰遵行

例案

康熙五年題准。舉人欠糧緣事斥革及現在議處未結。與罰科丁憂患病等項。不准起送會試。乾隆二十九年議准。嗣後文舉人會試。俱照舊例申送藩司。由司覈明詳院。請咨發司轉給。其應造各冊。一體查照送院咨部。並嚴飭上下衙門。各照題定起送之期。隨到隨給。儻有更胥需索留難。以致遲誤。察出叅處。

又覆准順天府屬由該府尹給文會試。其直隸

總督所屬地方應照新例。州縣徑詳布政使。由司覈明詳院。請咨發司轉給。

嘉慶二十三年奏准。會試舉人必係本籍寫遠。未能回籍起文者。方准取結入場。若大興宛平二縣舉人。並非不能回籍起文之人。未便僅據同鄉京官印結。概准納卷。且該舉人等室廬田畝。近在畿內。其中自有無未滿年限。及未經呈明冒籍中式之人。該府尹不難查察。應請

旨勅下嗣後大興宛平二縣舉人。由順天府府尹給文。

會試如有取具

鄉京官印結納卷者概行駁

回。

嘉慶二十五年欽奉

恩詔內開鄉試已經中式文武舉人除過犯黜革外其有磨勘原卷字句錯誤以致停科者俱著寬免准其會試等因知照各該督撫欽遵

恩詔於下屆會試時一體給咨會試。

又據順天舉人張虎仁呈稱於二十二年十二月初六日丁生母憂扣至本年三月初六日服

關。遵例先行取結會試等情。查該舉人服滿係在進卷之前。張虎仁應准其入場會試。

道光二年准貴州巡撫咨送辛巳科舉人王正聯會試冊結內開王正聯係由縣學廩生中式舉人。檢查該省題名錄及該舉人親供內均係由恩貢生中式。除行查該撫外。飭令該舉人先行出具實係由某生中式甘結。准其入場。

道光十三年據山東武定府舉人鄭輝堂齎咨赴部會試。查係由直隸天津府商學廩生中式。

順天鄉試舉人。未便由山東起咨會試。飭令該舉人另行取結會試。

道光十五年。據江西南昌府舉人吳壽祺。赴部投文會試。查舉人吳壽祺。前經呈請復歸本生。父現在行查。未據覆到。此次會試。三代應查照上科底冊。仍填寫嗣父三代。

又據廣東舉人羅獻廷呈稱。於道光十二年十二月初一日。丁憂。因遊幕到京。已飭家人在籍呈明服滿。路遠文書未到。取結粘呈。乞准會試。

等情查廣東舉人羅獻廷丁憂於道光十二年十二月初一日起扣至十五年三月初一日服滿取具呈結投遞會試之處覈與定例相符。

道光二十年據舉人雷啟秀呈稱係陝西藍屋縣人由廩生中式道光甲午科本省舉人今逢庚子科會試齎文來京中途將批遞遺失取具同鄉京官印結呈請恩准入冊會試前來除准其會試外相應知照陝西巡撫查照。

道光二十一年據舉人鄭奇峯呈稱係福建長

邕縣人。道光二十年九月在本省請咨會試。路滑翻車遺失咨文。當經呈報順義縣存案。爲此取具同鄉京官印結黏連投遞。伏乞恩准給卷入場。並准開銷水腳銀兩等因。應准其入場會試。

道光二十四年。據舉人陳錫九呈稱。係廣西臨桂縣人。中式道光庚子科本省鄉試舉人。揭曉日。丁親父憂。呈報在案。時因縗絰在身。將親供填寫轉托親戚代投。茲甲辰科會試請咨赴部。

金匱要略卷之八
投文方知前具親供。尙未到部。爲此取結呈請
一體會試等因。除劄查該學政外。准其先行納
卷會試。

道光三十年。欽奉

恩詔內開。會試文武舉人。已經中式者。除過犯黜革
外。其有殿試謄寫錯誤。不合體式者。禮兵二部察
明覈實。准其再行殿試。又鄉試已經中式文武舉
人。除過犯黜革外。其有磨勘原卷字句錯誤。以致
停科者。俱著寬免。准其會試等因。嗣經本部查明

已酉科舉人因覆試四等罰停會試者十五名
通行各督撫一體給咨會試

附載駁案

道光十五年據江西舉人余鑒銘呈稱舉人原名曜莸於道光六年在部呈請更名鑒銘本省以未奉部文仍用原名給咨等情查道光六年並無該舉人更名案據應仍照該省來咨將該舉人余曜莸原名註冊

道光十六年本部具奏前准吏部片稱題結辛卯科舉人揀選知縣倪應謙照不應重律杖八十降三級罰用等因查科場條例內載州縣牧令緣事降爲丞倅等官者不准會試等語今揀選知縣舉人倪應謙因尹紹不照中人原議讓息轉描寫劣紙以爲取盈一計隨浮開收數捏寫情節刊送說帖以快私忿所犯係屬私罪

既據吏部照揀選知縣議以降三級調用該員現係舉人應請照例不准會試再刑部辦理此案因該員係屬揀選知縣於奏結後移咨吏部覈辦惟臣部於道光六年奏准揀選舉人一項尚未投供赴選以前一應改籍更名出繼等項事故均照例歸於臣部覈辦等因在案應請刑部嗣後遇有關涉揀選舉人案件仍須遵照奏定章程會同臣部覈辦以免遺漏而杜紛歧等因奉

旨飭下

旨揀選知縣舉人倪應謙現經緣案降調著照例不准會試嗣後刑部遇有關涉揀選舉人案件著遵照奏定章程會同禮部覈辦欽此

道光十八年批示廣東舉人陳成芳呈請查明起復日期前經本部檢查歷年收支檔冊並未收到該撫咨送該舉人起復文結業據呈行查該撫去後茲據該舉人呈稱選期在即請先咨吏部以便銓選查呈內所粘咨部冊單既經該撫分咨吏部如吏部果有起復案據該舉人何

難徑赴吏部呈明。已不至有妨於選。今吏部既未接到起復咨文。本部亦無該撫咨報案據。自應俟該撫將該舉人起復印甘各結補送。到日再行核辦。該舉人所請先行移咨之處。應不准行。

道光二十年。據山東樂安縣舉人魏茂椿等各呈稱。丁憂服滿。均由本籍呈報。丁憂及起復日期在案。今因會試。伊過期起復。咨文尚未到部。取具同鄉京官印結呈明。起復日期以便會試等語。查例載。舉人丁憂服滿。如遇會試之年。專咨報部等語。今該舉人魏茂椿等呈稱。在籍丁憂。現在服滿起復。呈請會試。本部檢查該舉人等丁憂咨文。均未到部。無憑查覈。未便據呈率准。

起送會試

雜項人員會試

現行事例

一各省舉人已經揀選及在京候補候選不及
回籍起文情願應試者行文吏部查明造冊咨
送到部准其會試。

一舉人現任中書評事博士助教學正學錄及
小京官等由該管衙門咨送到部准其會試。

一中書通政使司經歷等官查係由知縣推陞

或由六部司員降補者俱不准會試。

一舉人現任教職及候補教職由各省督撫給咨該教職親齎赴部准其會試其因年老患病勒休與緣事降爲雜職者俱不准會試。

一各省舉人以知縣試用到省後經督撫奏改教職者不准會試其大挑一經奉

旨改教及因補缺尙遠到省後自行聲明改教並告假回籍實係未經委署各員遇會試時由原籍督撫給咨赴部咨內聲敘並未委署地方字樣准

其一體入場仍不得臨時告假。即行來京取結應試。

一分發試用知縣。未補實缺。而捐陞京職。歸部銓選者。照候補候選人員例。准其會試。

一州縣牧令緣事降為丞倅等官者。不准會試。一舉人充教習及在各館刻力者。由各該處咨送到部。准其會試。

例案

康熙三年題准。舉人考授內閣中書及現任者。

俱准會試。

康熙七年題准舉人就教仍准會試。

乾隆二十四年咨准查教職由舉人選授者例取原籍文結准其會試。今准吏部咨稱舉人選授教職俸滿來京願留京會試者應咨禮部辦理等語應准其留京會試。

乾隆五十二年批准江蘇舉人江漣由內閣中書緣事部議降二級調用經本部行查吏部應以從八品國子監典簿補用。照舉人在京候

補候選准其會試之例辦理

嘉慶六年批准山西舉人陳常係分發四川試用知縣捐陞主事應准其會試

嘉慶八年奏准查向來中書通政使司經歷等官由知縣推陞或由六部司員降補者因例無明文均經准其會試伏思知縣久膺民社已歷陞途卽降補之司員果能奮勉亦仍可保題似不必與士子爭進取至知縣才不勝任或由現任奏改教職或因初選引

見奉

旨以教職改用。既經督撫考察。

聖明鑒定。非可膺民社之才。似亦不可以文字之工。再
中進士。仍歸知縣之班銓選。請嗣後此等人員。
俱不准其會試。其州縣牧令緣事降為丞倅等
官者。亦請一體不准。惟分發試用未補實缺。而
捐陞京職。歸部銓選者。與在部候選人員事同
一體。可否准其會試等因奉

旨依議。欽此。

嘉慶十年嚴霜鄭鳳憲係浙江舉人原任國子監助教降爲候補學錄非同教官降爲雜職者可比自應准其會試。

又嚴准山東舉人王銓原任山東德平縣教諭因失察生員降調於嘉慶九年奉

旨准其捐復給有執照自應准其會試。

嘉慶十二年奉

上諭阿林保等奏新選江西長寧縣知縣鄭兼才懇請仍改教職等語鄭兼才前在臺灣縣教諭任內但蔡

遊滋擾率領生監守禦出力加恩以應陞之缺儘先
陞用由部籤陞知縣該員有志觀光情願仍改教職
以圖會試著照所請鄭兼才准其註銷所選長寧縣
知縣加恩仍以教職卽選俾得一體會試欽此。

嘉慶十四年覈准現任靜海縣訓導黃伸直隸
遵化州玉田縣舉人係押送謄錄來京事屬因
公苦再俟起否已誤試期應准其取結會試。

嘉慶十八年吏部等衙門會議奏准據兩廣總
督蔣攸銑奏稱各省舉人大挑一等者分發各

省以知縣試用近年候補人員較多補缺愈形
壅滯現在廣東一省嘉慶六年分發知縣未補
缺者尙存四員嘉慶十三年大挑分發知縣未
補缺者尙存十五員雖有試用一年期滿減半
酌留及呈請改用教職之例而曾經錄掣省分
則不准復預會試卽未膺民社回籍亦不許復
赴禮闈每有壯年筮仕皓首賦閒進取無由補
成頽棄似於人材亦覺可惜可否仰懇

天恩勅下部臣議定挑發人員其已經分發到省者無

論試用會否期滿及告假改教回籍各員凡未經委署地方者仍准其一體會試等語查知縣才不勝任或由現任奏改教授或因初選引

見奉

旨以教職改用者均不准其會試其有自行呈改教職以及告假回籍各員例內並無不准會試明文請嗣後大挑舉人以知縣試用因到省補缺尙遠有志觀光自行呈明改教並告假回籍實係未經委署各員應如該督所奏遇會試時由原

籍督撫給咨赴京。咨內聲敘並未委署地方字樣。准其一體入場。仍不得臨時告假。卽行來京取結應試。以杜取巧之弊。

又覈覆吏部咨。廣西臨桂縣舉人周維堂於上思州學正任內。因未依期課士。叅革。嘉慶十四年恭祝。

萬壽呈進詩冊奉

旨以訓導用。補授平樂府訓導。應否准其會試等因。查

廣西舉人周維堂。雖曾經叅革。但旣奉

旨以訓導用補授平樂府訓導。卽屬現任教職例。應准其會試。

嘉慶十九年。嚴准。現任新鄉縣訓導韓嶽。係河南湯陰縣舉人。於嘉慶十八年十一月。由新鄉本縣請咨會試。至二月望後未到。因場期臨邇。報明起程。先行出具同鄉京官印結呈請會試。自應准其入場。

又嚴准。湖南辛酉科舉人。現任博士陳世昌。於呈請會試後。准戶部知照。已坐補祿米倉監督。

查例載舉人現任中書評事博士助教學正學
錄及小京官等由該管衙門咨送到部准其會
試並無出差不准會試明文陳世昌應仍照小
京官例准其入場。

嘉慶二十四年據舉人修崑南呈稱係山東丁
卯科舉人於嘉慶二十二年大挑二等是年委
署鉅野縣教職至本年二月卸事繳銷委牌又
據舉人丁蒼呈稱係山東戊辰科舉人於嘉慶
二十二年大挑二等是年委署清平縣教諭至

本年正月卸事。繳銷委牌。各在案。查卸事人員。例應回籍。請各會試。但均因原籍路隔千里。恐誤考期。各取具同鄉京官印結。呈請會試到部。除准其會試外。應行文山東巡撫。查明該教諭修嵩南丁舊卸事日期。是否相符。聲覆辦理。

道光元年。禮部會題河工大挑知縣陳文富。因補缺無期。並未委署地方。稟請改教等因。查東河試用知縣江蘇舉人陳文富。呈請改教業據該督聲明。並未委署地方。核與大挑分發舉人

自請改教並未署事。准其會試之例相符。遇會試時。應由原籍起咨。於咨內照例聲敘。並未委署地方字樣。准其一體會試。

又咨覆吏部咨福建大挑試用知縣王益謙呈請起病會試。查例載大挑舉人未經委署地方者。遇會試時准其一體入場等語。今陝西大挑一等舉人分發福建試用知縣王益謙由本籍赴闕試用。因中途患病來京就醫。在吏部呈請起病並請會試之處。既據吏部咨明。該員尚未

到省舉人王益謙應准其會試。

道光二年准吏部咨稱據順天甲子科舉人呂星燕呈稱係江蘇常州府人丁丑科大挑二等以教職用庚辰科會試後在京教讀尙未回籍於道光元年十月分選授安徽建德縣訓導今逢壬午科會試若回籍領憑赴任再行請咨進京應試必致有誤場期取具同鄉京官印結呈請留京會試等情應准其照現任邊遠省分教職例留京應試。

道光五年核准直隸天津縣舉人陳敬思於趙州學正任內失察武生滋事降一級調用核其原案係屬公罪既經選授良鄉縣訓導卽係現任教職與緣事降爲雜職者不同自應准其會試。

道光六年禮部奏准江蘇舉人王蔭槐等入籍安徽請明定章程一招據吏部奏稱王蔭槐已經揀選卽係候選職官嗣後凡有入籍歸籍更名復姓出繼歸宗之處請悉由吏部辦理等語。

查向例舉貢等就職銓選事隸吏部其一應考試事隸禮部百餘年來辦理並無歧誤今吏部請將揀選知縣改籍更名等事改歸吏部辦理查該舉人貢生等如果於銓選到班時呈請入籍更名出繼自應聽吏部核辦至揀選舉人一項係循例註冊約須二三十年方始截取到班是此項舉人名爲銓選知縣而選期甚遠仍係例准會試之人與別項投供候選人員迥異該舉人等自入學時填寫履歷年歲各冊中式題

名錄。並親供內開載詳細履歷。均在禮部註冊存案。吏部無從覈對。卽更名復姓出繼歸宗等事。已難保無影射朦混情弊。至改籍一項。所係尤重。緣該舉人根底來歷。惟原籍知之最深。且親族衆多。如有違礙。不能人人代爲徇隱。而吏部例止行查寄籍。僅憑一面之詞。不復向原籍咨查。辦理亦未爲周密。誠恐本人一經朦混改籍。其子弟宗族。俱得依附冒考。否則歧籍跨考。種種弊竇。從此而生。於禮部辦理考試。實多格

竊應請嗣後舉貢生監除考取學正學錄暨膳
錄議敘職官。在吏部投供候選人員。及大挑一
等業經分發各省試用人員。並教官已補實缺
者。其改籍更名等事。應聽吏部辦理外。其揀選
舉人一項。尚未投供赴選以前。仍係會試舉人。
凡一應改籍更名出糴等項事故。應仍照向例
歸於禮部覈辦。均令於咨部文結內。聲明有無
考取並議敘職官。是否大挑。已未分發試用。及
已未截取投供赴選字樣。以憑分別辦理。謹此

辦竣之後亦立即知照吏部。至八旗滿洲蒙古漢軍文舉人。例無截取。於會試三次後。即准投供。應俟銓選到班時。遇有出繼更名等事。方歸吏部辦理。

道光十二年。咨覆山東巡撫咨稱。亞聖七十代嫡長孫孟廣均。由選拔貢生。道光八年中式戊子科本省鄉試舉人。嗣於道光十二年呈明。衍聖公府咨部題請承襲世職。而東省聖賢嫡裔向無以舉人承襲世職。既襲之後。會試成案。無

可遵循咨請部示等情查五經博士孟廣均由
舉人承襲世職。係屬八品職官。覈與現任中書
等官事同一例。自應准其由該撫給咨一體會
試。

道光十五年。據吏部咨送浙江辛巳科舉人王
學植。係任太常寺典簿。降補從八品。現在投供
候選。可否准其會試等因。查浙江辛巳科舉人
王學植。既據吏部咨明。係降補從八品人員。自
應准其會試。

又據舉人張鵬翔呈請註銷州判仍留舉人會
試等因。查該舉人業經取具切實印甘呈結到
部。自應准其入場。

又本部具奏已革訓導魏彭年。由舉人大挑二
等。先經委辦開濬西湖。於選授訓導後來省督
工。因漁戶不受約束。擅自枷示。經浙江巡撫問
擬革職。當經臣部行文吏部。咨取犯事原案。核
議。尙非行止有虧。亦無姦贓等款。可否准其捐
復文舉人一體會試等因。奉

音魏彭年著准其捐復文舉人一體會試欽此

道光十六年據福建汀洲府舉人梁達雍領咨赴部會試查梁達雍前據吏部單內該舉人列入告病項下茲據該舉人呈稱已於十五年十一月由本縣呈報病痊應准其先行取結入場又覆准吏部咨廣西南寧府隆安縣訓導湯廷詔前於兼理教諭任內緣事降一級調用現經選授隆安縣訓導卽係現任教職與緣事降爲雜職者不同白應准其會試

又據河南

欽賜舉人黎學淵山東壬午科舉人衛肇榮呈稱係內閣候補中書均因告假回籍甫經到京不及起文取結投考等因查河南

欽賜舉人黎學淵山東壬午科舉人衛肇榮均係內閣候補中書既因告假回籍甫經到京不及起文投考自應准其取結納卷

道光十七年奉

上諭御史李熙齡奏大挑一等奉旨改教人員請酌改

舊例准其一體會試一摺著禮部議奏欽此查
例載舉人大挑以知縣試用奉

旨改用教職者不准會試臣部歷屆會試時均照例辦
理今據該御史奏稱此項人員向來甚少現在
人數頗多且大挑二等凡現任候補候選教職
俱准會試又大挑一等當經呈改二等及到省
後呈明改教者亦准會試獨此大挑一等奉

旨改教者不得會試未免阻其上進之階上屆乙未科
大挑由一等改教者二十三名旋經中式後以

知縣即用者有孔傳藤林春洛二人此外人材
可造就者亦應不少應請酌改舊例凡大挑一
等奉

旨改教人員俱准其一體會試等語臣等
大挑一等
奉

旨改教人員當引

見時尚未掣籤分省不特與實缺知縣降補教職者不
同卽較之試用知縣甄別改教者亦屬有間似
應分別辦理況大挑各舉人挑列二等及未經

挑取者均准會試。獨一等改用者無由上進。亦覺偏枯。再查乙未科大挑一等奉

旨改用教職者共三十三名。較之歷屆所改人數爲多。自未便拘執成例。致阻其進取之途。應請如該御史所奏。嗣後凡大挑一等奉

旨改教人員俱准其一體會試。以廣登進。而免向隅等因奉

旨依議。欽此。

道光十九年。本部具奏。廣西宣山縣已革訓導

湯廷詔由辛酉科舉人選授隆安縣訓導因在
部領照後患病請假繳照逾限一年經吏部議
革職現在呈請捐復舉人當經行文吏部抄錄
原案覈與原呈相符查其所犯情節尙非姦賊
等款亦非行止有虧可否准其捐復舉人一體
會試奉

旨湯廷詔著准其捐復舉人一體會試欽此。

道光二十年據候選知縣鄭之彪呈稱係山西
監生報捐知州道光十五年中式舉人十六年

分發四川試用並未委署地方十七年護送貢
使來京因貢使出京未到四譯館護送同行部
議降四級調用十九年降指知縣尙未分發願
應會試等情當卽行查吏部有無委署地方經
吏部以該省未經咨部存案由部批駁復據呈
稱在四川試用實未委署地方取具同鄉京官
印結懇准會試並請行查川省等情查候選知
縣鄭之彪呈請會試之處現據復行取具同鄉
京官切實印結聲明實未委署地方自應准其

會試。

又據候選教諭陳貽焜呈稱係同安縣舉人。道光十五年大挑一等。以知縣用。分發江西。因繳照逾限。降一級調用。送部引。

見仍以知縣試用。嗣於吏部呈請改就教職。乞准會試等情。當經行查吏部。有無委署地方。嗣經吏部覆稱。該省未經咨部存案。由部批駁。復據呈稱。在江西試用。實未委署地方。取具同鄉京官印結。懇准會試。並請行查江西省等情。查候選教

諭陳貽焜呈請會試之處。既據復行取具同鄉京官切實印結。聲明實未委署代理地方。自應准其會試。

道光二十二年。本部具奏雲南舉人倪應謙。因尹紹烈描寫假券一案。經吏部議照揀選知縣降三級調用。不准會試。願照已革舉人捐復常例。捐復原資一體應試。又順天已革舉人章昇。檄因覆試。短寫律詩一韻。考列四等。奉

旨革去舉人情願加倍捐復會試。由戶部咨行覈定。准

駁前來。覈其所犯。倘非行止有虧。可否准其捐復舉人。一體會試。奉

旨。倪應謙章昇樾俱著准其捐復舉人。一體會試。欽此。
又奉

上諭。前據怡良等奏。修竣城垣捐輸出力官紳懇恩獎。勵一摺。當交吏部議奏。茲據該部查例具奏。自應分別施恩。以示鼓勵。舉人魏麟祥賞給六品頂戴。仍准其會試。大挑舉人揀選知縣。曾元澄賞給六品頂戴。仍准其會試。大挑等因。欽此。

道光二十四年本部具奏順天癸卯科已革舉人劉伯墳因覆試時詩出韻考列四等革去舉人今情願於常例銀數外加一倍捐復等情查已革舉人劉伯墳因覆試詩律出韻考列四等斥革呈請加倍捐復覈查原卷與呈內情節相符似屬情有可原可否准其加倍捐復仍從重罰停一科再准會試奉

旨劉伯墳著准其捐復舉人仍罰停會試一科欽此

又據前刑部學習主事李芬呈稱順天寶坻

縣舉人遵豫工事例捐主事。分刑部並未補缺。因失察盜用印信降二級調用。並未註冊投供。可否應試之處。查前刑部學習主事李芬。未經補缺。卽因公罪降調。覈與六部司員降補中書等官者不同。自應比照候補候選之例。准其會試。

又據順天甲午科舉人現任南和縣教諭杜其俊呈驗委牌。懇請會試等因。查南和縣教諭杜其俊因奉府委赴天津一帶採買祭器赴京會

試應飭令取結入場。

又准吏部文送安徽舉人候選知府汪根恕由豫工例投効東河試用同知捐陞知府卽用。並未委署。今赴部投供候選。呈請會試。咨部覈辦等因。查安徽舉人候選知府汪根恕。旣據吏部咨明。該員前在東河試用。並未委署。現係在部投供候選。應准其會試。

道光二十五年。本部具奏。據已革舉人周光岳呈稱。係山東東阿縣丁酉科舉人。隨父周天錕

在湖廣總督任所讀書。因已革知縣孔廣義稟
訴前湖廣總督周天爵案內牽涉。經

欽差大臣審明周光岳係奉

旨提同質訊之人。乃於到案時。輒行負氣供稱。不便與
仇口質對。已屬抗違。迨經革審。猶不自行引咎。
於指教兵丁技藝。眾目共觀之事。亦任意談卸。
未便因查無用事實跡。稍事姑容。應照違

制律杖一百。業已革去舉人。應無庸議。奏結在案。
查革舉周光岳。罪在杖一百以內。僅止革去舉

人並無餘罪其所犯情節亦與例不准捐復之
條似屬有間可否准其照常例捐復舉人一體
會試奉

旨周光岳著准其捐復舉人一體會試欽此

又據新選直隸高邑縣訓導孫慶瀾呈稱係天
津縣舉人大挑二等捐本班儘先選用二十四
年十月選授今職今逢乙巳

恩科情願留京會試已呈明吏部在案乞准會試等情
當經行查吏部覆稱直隸訓導孫慶瀾於本年

二月在部呈請留京會試孫顯嗣應准其納卷
入場

又據安徽訓導蔣廷英呈稱係江蘇元和縣舉
人大挑二等選授安徽建德縣訓導六年俸滿
保薦會題奉咨赴部引

見今逢乙巳

恩科乞准就近會試等情當經行查吏部覆稱蔣廷英
現在安徽建德縣訓導六年俸滿保薦業經赴
部投遞文結在案蔣廷英應准其會試

又據分發山西試用知縣楊從龍呈稱係廣西
大埔縣舉人。大挑一等。分發山西試用知縣。尙
未領憑。因病在吏部告假。現已病痊。業在吏部
呈請起病。今逢乙巳。

恩科。乞准會試等情。當經行查吏部。覆稱楊從龍前因
感冒風寒。不克領照。赴部呈請告假。現據該員
呈請病已痊愈。應准其銷假。俟會試後。卽行赴
部領照。赴省等因。楊從龍應准其納卷入場。
又據分發河工知縣陳桂珠呈稱。係廣東瓊山。

縣舉人。大挑一等。繼挑河工。知縣。蘇州府東河。二十四年七月領照到工。並未委署印務。原擬回原籍起咨會試。第遠隔重洋。設遇耽擱。必誤試期。業遣家人回籍呈明。請咨。旋於本年正月。因旅費不足。請假措資。蒙東河總督給照來京。現在會試。伊邇。誠恐咨文不能趕到。乞准先行取結。會試等情。查廣東舉人分發東河。知縣陳桂珠。既據取結呈明。並未委署印務。且業由原籍起咨。惟因遠隔重洋。咨文恐未能趕到。請先取

結入場。與徑由任所起咨會試者不同。應准其先行取結入場。

道光二十七年。本部具奏。據候選知府阮祐呈稱。係江蘇監生。捐納郎中。中式癸卯科舉人。旋補刑部郎中。因捐輸經費奉

旨以知府選用。開缺候選。懇請會試。當經咨查刑部吏部。均據覆稱。該員開缺候選屬實。查道光二十二年。臣部具奏大理寺寺丞楊炳光改捐主事。可否鄉試奉

旨楊炳光著准其一體鄉試。欽此。欽遵在案。今阮祐由
實缺郎中捐陞知府。係五品京職。改捐外任。開
缺候選。與楊炳光以京職仍捐京職候選之案
稍有未符。第該員係舉人出身。臣等擬請援照
楊炳光成案。似應准其會試。等因。具奏。奉
旨。阮祐著准其一體會試。欽此。

附載舊例

順治十七年。奉

諭。撰文辦事中書。俱准應試。卽中式。仍在內閣辦事。
其勤勞稱職者。准加銜留任。永著爲例。欽此。

乾隆四十九年。准山西巡撫咨。忻州舉人王伯

槐會試文結內稱前臨汾縣教諭任內降調經
本部行查吏部應以從八品之布政司照磨鹽
運司知事府州縣訓導補用應照舉人在京候
補候選准其會試之例辦理

又據江西舉人楊護呈稱由上猶縣教諭管訓
導事因到任違限降一級開缺呈請會試經本
部行查吏部應以從八品之布政司照磨鹽運
司知事府州縣訓導補用應照舉人在京候補
候選准其會試之例辦理

乾隆五十五年覆准候補內閣中書張師誠係
乾隆四十九年

欽賜舉人

內閣中書會於丁未己酉會試兩次本年正
月由吏部主事仍降爲內閣中書現屆會試之
期仍請會試又通政使司經歷宋本敬由舉人
歷任山西陽城等縣知縣於乾隆五十二年卓
異推升今職呈請會試各等情查例載舉人充
中書小京官等由該管衙門咨送准其會試今
候補內閣中書張師誠通政使司經歷宋本敬

呈請會試應准其由該管衙門咨送會試
乾隆五十七年批准江蘇舉人李深源大挑分
發湖北試用知縣緣事部議降一級調用呈請
會試經本部行查吏部應以從七品之布政使
都事等官補用應照舉人在京候選候補准其
會試之例辦理

嘉慶十六年咨覆廣西巡撫成林咨稱據熊振
基等呈請援照李深源魏禮焯王夢資等之案
仍准會試等因查李深源大挑分發知縣緣事
降一級調用准其會試事在乾隆五十七年現
在科場舊例條下自嘉慶八年欽奉

諭旨以後俱不准行又魏禮焯係由知縣緣事革職降
捐教諭赴部會試事在嘉慶六年經本部示令
准其會試至嘉慶十年乙丑科該員呈請會試
本部遵照現行新例知縣改用教職無論現任
及候補候選者俱不准其會試當經將魏禮焯
扣除會試在案至本科准其會試之王夢資會
經本部咨查吏部該員係大挑一等並未籤掣

領照當經呈改二等。是以准其會試。本部遵照定例酌理。準情凡未經籤掣省分者均准會試。原不阻其有志上進之階。其既經籤掣省分者均不准其會試。所以杜規避取巧之漸。今熊振基王階泰係大挑知縣。業經於分發江西到省之後始行改教。雖並非督撫甄別。但該員等究係到省之後。因自揣未請吏治。難以驟膺民社。始行呈請改教。此等人員若准其會試中式進士。後仍歸知縣之班選用。其中難保無規避取巧情事。應照例不准再應會試。

道光十六年本部具奏直隸天津縣舉人汪彭赴部投文會試。查該舉人係嘉慶二十二年丁丑科大挑一等奉

旨改為

二等之員。與准應會試之例不符。應行扣除。惟

檢查收文冊檔。該舉人自嘉慶二十四年已卯科以後。歷經會試。是臣部於嘉慶二十四年會試時。漏未查明扣除。以致憑科相沿。辦理係屬疎漏。現在既經查出。未便稍事遷就。行文外場

御史並移會至公堂將該舉人扣除會試。理合據實檢舉。將臣部從前未經詳查之堂司各官請

旨。交部分別議處。奉旨依議。欽此。

附載駁案

乾隆十年覆准查教職一項。所以准鄉會試。原指現任及候選候補者而言。降調學正莊日莖。既經吏部覆稱。應以從九品官補用查從九品係雜職與會試之例不符。應不准其會試。

乾隆五十五年奉

上諭。據常青等奏。安徽廬州府教授李畧。齋該學訓導陳尙志印信公文。赴部投遞會試。內開該教授偶患風寒。不及請咨。經本府暫委訓導署篆。殊屬違例。請交部嚴加議處等語。教職赴京會試。例應請咨督撫。齋交送部。方准應試。乃該教授李畧不候給咨。輒以

患病往反不及爲詞。取具同官印結。擅離職守。妄行赴部投考。殊出情理之外。李畧除不准會試外。著革職。交刑部嚴審。至訓導陳尙志。瞻徇同官冒昧出結。而該府張華甫。不候督撫批准。竟委訓導署印。聽該教授離任起程。均非尋常錯誤可比。陳尙志張華甫俱著革職。交康基田嚴行究審。據實具奏。欽此。

乾隆五十八年。批駁原任雲南廣通縣知縣董樞。由舉人揀發雲南試用。題署廣通縣知縣。緣事部議降三級調用。呈請會試。查定例舉人候補候選者。俱准會試。今董樞係已經題署得缺之員。其呈請會試之處。與例不符。應不准其會試。

乾隆六十年。定年老患病勒休之教職。不准會試。

嘉慶六年。批駁候補鹽大使朱錫輔。呈請會試。查定例由舉人候補候選者。俱准會試。原指未經得缺。初行候補候選者而言。今朱錫輔係已補授山東王家崗場鹽大使。服滿候選。自未便

仍由舉人會試。

嘉慶七年。批發湖南降調教諭柳先義。援照從前降調教諭江西舉人楊護之例。呈請會試。查楊護經本部行查吏部覆稱。因赴任違限。降一級調用。應以從八品布照磨鹽知事府州縣訓導等官補用。是以議令照舉人候補訓導例。准其會試。今楊先義係到任違限。降二級調用。應補正九品雜職。雜職從無會試之例。與楊護之案迥不相同。所有呈請會試之處。應不准行。又批發江西大批一等舉人歐陽莖。呈請會試。查歐陽莖上年大批一等。因親老告近。改掣福建。尚未領照。患病告假。業已病痊。經本部行查吏部覆稱。現今傳令該員領照赴省等語。是該員理應卽赴福建試用之員。未便准其會試。

嘉慶八年奉

上諭禮部呈進科場條例。於起送會試條下。聲明教官降雜職者。其未經得缺以前。請改照候補候選人員之例。由舉人出身者。俱准其會試。由貢生出身者。俱

准其鄉試。增入新例等語。殊屬非是。教職一項。降調佐雜等官。向不准其鄉會試。原因其緣事鑄級。已呈吏議。與在部候選候補人員例得應試者。迥不相同。況當年各省教官。降為雜職。遇有呈請應試者。均經批駁。有案。若因其由舉貢出身。降調。或請准其應試。顯與定例不符。禮部堂官於條例內。率行增入。未免心存邀譽。俱著傳旨申飭。此後教官降為雜職人員。不准應試。仍著照舊例行。欽此。

嘉慶十六年。據戶部咨稱。本部候補員外郎佟謹恩。是否准其會試。咨查到部。查該員履歷內。開歷任實缺知縣。捐監。今職與未補實缺。而捐升京職者不同。所有呈請會試之處。與例不符。又准吏部咨稱。候選州判王有任。係浙江拔貢。前在廣東捐資。竊盜案內。奉

旨以州

判用。嗣經中式舉人。呈請原班選用。本年二月。分發授湖北興國州州判缺。現在尚未具題。應否仍准會試。咨查到部。查定例。由舉人候補候選。均俱准會試。原指未經得缺者而言。至大挑

知縣業經籤製省分人員向即不准會試今舉人王有任已於本年二月分選授湖北興國州州判係已得實缺之員與候補候選者不同未便准其復行會試

嘉慶十九年夏覆河南葉縣舉人張翊現年八十一歲由歲貢生於嘉慶六年選授衛輝府訓導十五年鄉試

欽賜舉人十六年

大計年老依致應不准其會試

又咨覆雲南巡撫咨稱廣西直隸州原任學正高肇昕由乾隆己酉科舉人大批以教職用選授廣西州學正因失察武生張坤泰私挑公存炭斤贖命案內降一級調用今逢甲戌科會試志切觀光情願進京會試等情查嘉慶八年奉諭教職一項降調佐雜等官向不准其會試原因其緣事鑄級已呈吏議與在部候補候選人員例得應試者迥不相同此後教官降為雜職人員不准應試等因欽此今雲南鄧川州舉人高肇昕於原任

學正任內失察武生張坤奏私挑公存炭斤礦
命案內降一級調用係應補布照磨等官人員
應不准其會試

嘉慶二十四年據四川敘州府宜賓縣辛酉科
舉人趙鍾辰呈稱係夔州府奉節縣教諭初次
俸滿保題給咨赴部引

原於本年二月三十日始行到京現值己卯科會試情
願觀光取具同鄉京官印結就便入闈等因查
現任教諭在部呈請會試與例不符飭令該教
諭趙鍾辰自行赴吏部呈請咨送本部會試
又據欽天監咨送現任博士朱希良係順天大
興縣舉人咨送會試等因查順天各舉人無論
現任候選候補人員凡在各衙門咨送者概行
不准俱飭令遵照新例赴順天府起文會試

又衆奏山東癸酉科舉人土方濂係勒休教職
違例投考一摺奉

上諭王方濂以勒休教諭朦混取結投考毋庸交部議
處著卽斥革押解回籍欽此

又奉

諭禮部奏教職違例取結會試一摺甘肅階州訓導蔣萬柏以現任教職並不遵照定例向該省督撫領咨會試輒自任所起程來京取具同鄉京官印結赴部投考實屬違例蔣萬柏著卽飭令回省同監行出結之刑部主事同功元著一併交部議處該州知州近在同城漫無覺察並著該督查明叅處欽此

道光六年禮部奏叅直隸蔚州學正王治典朦混取結會試請

旨飭下直隸總督照例叅辦嗣據覆奏王治典以現任教職會試例應本省請咨赴部投考乃不候咨文輒先私自進京照依在京舉人之例就近取結入場應試實屬違例朦混第訊無別項情弊且該員已另案休致應免再議等因奉

硃批該部知道欽此

道光十一年據分發四川鹽場大使武錫祁呈稱係直隸丙子科舉人捐鹽場大使分發四川到省後並未委署因補缺無期艱於資斧告假

回籍恭逢明歲

恩科會試

情願與考等情查直隸舉人武錫祁分發四

川鹽場大使雖尚未委署得缺但係聽候差遣

委用之員與在部候補候選人員並就職捐職

在籍候補候選者不同所有該員並請會試之

處核與定例不符應不推行

道光十二年咨覆吏部候選光祿寺署正趙照

旨於補官後停其陞轉之人現據吏部咨稱應否會試

之處本部向無辦過成案礙難覈集

道光十五年據福建壬辰科舉人劉應元貢咨

赴部會試咨文內聲明該舉人自丁憂之日起

至道光十五年三月初七日服滿等因查福建

舉人劉應元服滿之處係在進卷以後應不隸

其入場

又廣西舉人湯廷詔齋文投考查吏部勒休教

職文內湯廷詔名下註明降調字樣是否即係

該舉人片行吏部查明該舉人係教職降調難

項人員例不隸其會試。

又據廣西舉人陳治昌取結投考復准吏部文開該舉人係候選知縣現在揀發貴州差遣委用等因查該舉人陳治昌既據吏部咨明奉

旨揀發貴州差遣委用人員應不隸其入場

又准東河總督咨廣東辛巳科舉人張彥醇大挑知縣東河試用請由該試用地方給咨會試等因查該員有志觀光自應遵照定例先行告假回籍由本籍起咨並於文內註明並未委署地方官字樣方准入場所請由該試用地方給咨赴京並請照留京舉人取結應試之處數與定例不符應不隸行。

道光二十二年本部具奏未覆試舉人陳烜之可否照已革舉人之例加倍捐復原准另捐官職等因一摺奉

旨陳烜之著准其加倍捐復舉人另捐直隸州州同仍不准再應會試亦不准以舉人原資截取揀選欽此道光二十五年據山西訓導郝臺魁呈稱係山

西絳州人由廩生應嘉慶十六年

召試

欽賜舉人

大挑二等銓補太原縣訓導丁母憂起復選

授朔州學正因染患病症並未到任稟詳報部開缺另選來京就醫茲已痊愈業在吏部呈請起病今逢乙巳

恩科清

願留京會試等情當經行查吏部覆稱郝臺魁

因病咨請開缺准其回籍調理俟病痊之日該撫驗看咨部仍以原缺補用今以來京就醫痊愈具呈起病數與定例不符應不推行等因復據郝臺魁呈稱在京於病痊後即行回籍起病不料途中舊病又發仍行回京調治現已病痊場期臨邇不及回籍起咨為此取結呈請會計等情查山西候選教職舉人郝臺魁既據吏部聲稱該員病痊應由該撫驗看咨部不資呈請起病是該舉人患病開缺尚係未准起病之員與在部呈請開缺呈准起病者不同未便准其取結會試該舉人呈請會試應不准行

又據直隸試用知縣王端卿呈稱係湖北沔陽縣辛卯科舉人。大挑知縣分發直隸試用。到省尚未委署地方。奉委供大興宛平兩縣地糧旗租來京。有志觀光。呈請會試等情。又據山東試用知縣蘇維喬呈稱係廣西靈川縣辛卯科舉人。大挑知縣分發山東試用。到省並未委署代理。奉委至順天府咨追虧缺銀兩來京。有志觀光。呈請會試等情。查湖北舉人直隸試用知縣王端卿。廣西舉人山東試用知縣蘇維喬等。均係分發試用人員。奉委來京。並未銷差。所請就近取結會試之處。核與定例不符。應不准行。又准戶部咨。據已革直隸知縣文舉人成興呈稱。由丙子科舉人。選授直隸望都縣。調任新樂縣。被兵馬司吏目汪毓金捏控。託明發往軍台効力贖罪。循例完繳台費。釋回。今請捐復舉人等情。查知縣已經委署地方。即不准應試。該革員成興。係曾任實缺知縣。未便准其捐復舉人。道光三十年。准吏部咨送會試文內。有候選教

職狄尹一員於二十七年在部由順天府改歸籍江蘇字樣本部查無案據當卽行文吏部咨取該舉人改籍原案檢查係大挑舉人在吏部投供候選知縣經吏部核准改籍後漏未知照實屬歧誤除將該舉人狄尹先行照例罰停會試一科移付司務廳扣除外相應知照吏部務遵本部奏定章程凡教職已補實缺及知縣投供人員於覈准改籍更名後立卽知照本部以便註冊勿致辦理歧誤

咸豐元年據安徽太和縣文生張萬銓呈稱生師朱鳳鳴係戊子科舉人於道光二十一年奉旨安徽童生朱祛患代伊父舉人朱鳳鳴呈遞封章本應照例治罪姑念所遞封章內尙無違悖字句朱祛患朱鳳鳴均著交兵部解回原籍交該地方官嚴加管束欽此今請明示可否仍准一體會試等情查舉人朱鳳鳴係奉旨遞籍嚴加管束之人理應在籍受該地方官管束所有呈請會試之處礙難准行

起送會試

八旗舉人會試

現行事例

一會試前一年十月內禮部通行八旗都統將各旗及包衣佐領下舉人及由舉人出身之筆帖式等情願會試者造具滿漢清冊註明滿洲蒙古漢軍旗分佐領年貌三代科分及並無事故字樣咨送過部由部轉送兵部考試馬步箭合式者准其入場

例案

雍正七年奉

上諭凡由舉人考試補用筆帖式者俱准其與舉人一
體會試等因欽此。

道光十六年本部具奏據正白旗滿洲都統咨
稱據輕車都尉恩隆呈稱由廩膳生員中式嘉
慶二十一年丙子科舉人承襲二等輕車都尉
可否遵照新例准其一體應試等情查恩隆由
廩生於嘉慶二十一年中式舉人二十四年承

襲三等輕車都尉。道光元年在部呈請一體會試。經本部以三品以上人員向無准其應試之案。該舉人承襲三品職銜。品級較大。未便復占寒峻進取之階。所請會試之處。應不准行等因。奏駁在案。復查本年兵部具奏文生員馬成全兼襲世職一摺。奉

旨嗣後承襲一二三等輕車都尉及騎都尉世職。比照雲騎尉恩騎尉之例。准其以文武生員兼襲。應試等因。欽此。今世職輕車都尉恩隆係由文舉人兼襲。似

與馬成金事同一律。應比照文生員兼襲應試之例。准其一體會試等因具奏。奉

旨。承襲輕車都尉文舉人恩隆。准其一體會試。欽此。

道光二十四年。據文舉人春林呈稱。係京口駐防京旗正紅旗蒙古多隆阿佐領下人。中式丁酉科江南鄉試舉人。因父順安。現任光祿寺署丞。來京隨任。舉人實係駐防現任京官子弟。與准應文會試之例相符。乞准應文闈會試等情。當經行查該旗並光祿寺。據光祿寺並該旗覆

額順安現在供職伊子春林幫辦家務是實等因。所有文舉人春林應准其應文闈會試。

又准鑲黃旗蒙古都統咨送繙譯舉人松泰應文會試等因。查科場條例內載繙譯舉人願應文會試。生員願應文鄉試者俱准考試等語。今鑲黃旗蒙古都統咨送繙譯舉人松泰自應准其一體應文會試。惟係繙譯舉人其應否一例大挑之處應咨明吏部覈辦。

又本部具奏鑲黃旗滿洲已革舉人紹義因覆

試詩句疵謬。考列四等斥革。於本年三月呈請
捐復附生。經部比照嘉慶三年覆試斥革之舉
人王馨捐監成案。准其捐復附生。茲復呈請加
倍捐復舉人。可否比照劉伯墳加倍捐復舉人
仍罰停一科。再准會試。奉

旨。紹義著准其捐復舉人。仍罰停會試一科。欽此。

道光二十五年。據正藍旗包衣漢軍文舉人直
隸靈縣訓導增祿呈稱。今逢乙巳

恩科會試。在直隸請咨來京。並未分咨本旗都統。誠恐

本旗佐領未便送考乞准行知本旗俾得考箭等情相應行文正藍旗滿洲都統造具該舉人佐領年貌三代滿洲清冊咨送本部併卽咨送兵部以便考箭

又准正藍旗滿洲佐領圖片報稱監生錫純中式甲辰科文舉人今更名錫淳等因查定例士子以純字命名者俱應改爲淳字今錫純呈請更名係敬避純字未便照會試前不准更名之例辦理應准其更名錫淳應試。

附載舊例

乾隆二十八年吏部咨准。歷來凡已任知縣之舉人。因不勝民牧之任。以教職改補。未經得缺之前。有呈請會試者。本部據呈咨送會試。至入旗舉人。曾任知縣。亦因不勝民牧。以筆帖式改補之員。與改教人員。事同一例。自應一體准其會試。如其中有題叅降調。以筆帖式改補之員。不得援照此例。

嘉慶二十四年。咨覆兵部。准寧夏將軍咨稱。文舉人全酉。由馬甲中式。會試未第。回營仍食本身錢糧。當差。該文舉人全酉。遇有應行挑補領催前鋒缺出。可否遵照前例。一體挑補。並請嗣後該舉人全酉。會試第與不第。其陞途或照武舉人之例。遇有本處驍騎校缺出一體揀選。卽或如何辦理之處。咨部示覆等因。查寧夏文舉人全酉。由馬甲中式。遇有應挑領催前鋒缺出。照武舉之例。准其挑補。領催前鋒後。遇有應補

驍騎校缺出。例應一體揀選至文舉人全西補
驍騎校後其文職內有無陞途事隸吏部並挑
補領催前鋒後應否會試事隸禮部相應咨行
該將軍自行咨請吏禮二部並知照禮部等因
前來查領催前鋒並非實投武職其由文舉人
挑取者應准其會試。

道光元年據文舉人成興呈稱係浙江乍浦滿
洲駐防丙子科舉人於庚辰會試後已在吏部
具呈留京報考內閣中書蒙吏部覆准並知照
乍浦都統在案因恭逢明年壬午科會試考期
已近未能回至乍浦領咨會試理合取具本佐
領圖片呈請留京會試並咨乍浦照例辦理等
因前來查邊省教官因道途寫遠向有呈請留
京會試之例今浙江乍浦駐防文舉人成興於
會試後在吏部呈明留京報考內閣中書現因
明春會試在邇往返道途遙遠懇請留京會試
業經本部行查吏部去後今據覆稱文舉人成
興實係在部具呈報考內閣中書等語舉人成

典應照邊省教官留京會試之例准其留京會試

附載駁案

嘉慶十五年准鑲紅旗滿洲都統將庚子科文舉人蘇勒通阿由知府降調筆帖式造冊咨送到部查科場條例內載知縣才不勝任或由現任奏改教職或因初選引

見奉旨

以教職改用俱不准其會試今蘇勒通阿係由知府

降調之員事同一例應不准其會試

道光九年咨覆吏部咨查漢軍人員內有舉人

及繙譯舉人出身之小京官嗣經陞補主事由

主事任內緣事降調仍以小京官候補人員應

否准其一體會試查科場條例內載中書通政

使司經歷由六部司員降補者俱不准會試等

語所有業經陞補主事緣事降調小京官人員應照例不准會試

道光十六年。准鑲白旗滿洲都統咨送己卯科
文舉人承志。係原任湖南龍陽縣知縣丁憂回
旗帶領引。

見奉

旨以內用。旋經掣分刑科筆帖式。應本年會試前來。查
鑲白旗滿洲文舉人承志。曾任實缺知縣。所請
會試之處。與例不符。應不准行。

又奉

上諭。本日引見新進士內。正白旗滿洲進士慶廉一名。
形同殘廢。步履甚艱。因思我朝錄用旗員。首重騎射。
入旗士子。應試必先試以騎射。合式者方准入場。此
乃一定之例。不可廢者也。慶廉既有殘廢。豈能考試
馬步箭。適據御史永桐奏請飭查覈等語。著兵部查
明。派出監射之王大臣。如何定爲合式。准其會試之
處。秉公據實具奏。並著監射王大臣。及咨送考試之
正白旗滿洲都統等。明白迴奏。欽此。

又

下諭。前因正白旗滿洲進士慶廉。形同殘廢。步履甚艱。
又

當降旨著兵部查明。准其會試之處。據實具奏。並著監射王大臣。及咨送考試之都統等。明白迴奏。茲據兵部及該旗都統監射王大臣等奏。中樞政考內義凡遇考試進士舉人生員人等。其有手拐者。免考馬步箭等語。並准兵部呈送大清會典。暨中樞政考。經軍機大臣開單進呈。朕詳加披閱。會典內載係手疾三樣。中樞政考內載係手拐字樣。著兵部遵照會典改正。以歸畫一。該監射王大臣及咨送考試之都統等。於慶康會試。雖屬遵例。免其考試馬步箭。但慶康形同殘廢。尚不止於手疾。該都統等不行駁斥。率准送考。自係瞻徇情面。不肯認真。該監射王大臣。按照原冊。不復行查。依樣葫蘆。不能實心行事。以此可見。層親王仁壽。綿恩。及正白旗滿洲都統。文孚等。俱著交各該衙門。嚴加議處。慶康著仍照前旨。歸班銓選。欽此。

道光十八年奉

上諭。前據刑部奏。候補主事慶雲呈請將行走差使開缺。回旗會試。當交吏部查議具奏。茲據查明。向別通。

缺頂補之員概不准呈請註銷。虞霖現係頂補主事。業經見缺所有該員呈請開缺會試之處著不准行。嗣後頂補人員均不准於見缺後呈請查除差使回旗會試。以杜規避。著纂入則例。欽此。

道光二十三年。錄舉人布騰阿。額勒精額。托克清阿。等呈稱。由駐防舉人揀選以知縣註冊。候選投供。每遇會試之年。向由京旗驗看騎射。送部應試。茲屆甲辰科會試。已由本旗驗看馬步箭。惟現奉新定章程。駐防現在京官隨任子弟。俱准其照舊辦理。其在京候補候選人員章程。內並無明文。舉人等在部投供候選有年。似較隨任子弟。尚係因公在京。且向由京旗送考。更非外來駐防。由各省起文者可比。可否仍准照舊會試等情。查駐防舉人布騰阿等。係以揀選知縣投供候選。與隨任京官之子弟。究有不同。所請應甲辰科文闈會試之處。與本部議定章程不符。礙難准行。

道光二十四年。據直隸順德府訓導劉建中呈

特旨改

稱係駐防廣州漢軍正白旗人。由附生中式舉人。大挑二等以教職用。選授今職。茲奉委至京呈請會試。伏查駐防舉人現奉

試繕譯不得仍應文試。但現任京官不拘在京駐防例得送考。職係直隸現任人員乞查覈恩准等情。查廣州駐防舉人順德府訓導劉建中原係駐防現在亦非京官。自應改試繕譯。所請應文會試之處與奏定章程不符。應不准行。

道光二十六年。准京口副都統咨稱長子慶長現隨任所。前應順天鄉試中式文舉人。於二十四年十二月初七日丁親母憂。扣至二十七年三月初七日服闋。應否准其會試等因。查文舉人慶長服滿係在進卷以後。應不准其入場。

起送會試

起送文冊限期

現行事例

一直省舉人會試本籍巡撫給咨送部直隸於前一年十二月山東河南山西陝西於十一月江南江西浙江湖廣於十月福建四川廣東廣西雲南貴州於九月各如期起送並嚴禁吏胥需索留難如稽延違限卽行查叅司府遲延該督撫查叅

直省舉人會試。前一年五月內通行各省督撫。查明該屬舉人。現在並無丁憂罰科及緣事等情者。給咨令其赴部會試。

一各省舉人應試。自二月初一日起。至三月初一日止。將各該督撫咨文。隨到隨投。以免壅積。由部先行出示。並行都察院轉飭中東北三城兵馬司。各撥弓兵四名。隨帶禁示牌二面。於二月二十五日後。逐日赴部。禁遏閒雜人等。擁擠喧嚷。

例案

順治八年題准新舊舉人直隸限十二月起送
山東山西河南陝西限十一月起送江南浙
江西湖廣限十月起送福建廣東廣西四川等
處限九月起送如司府稽延違限聽禮部查察
嘉慶十年據安徽舉人仰濂等呈稱舉人等於
舊年十月初八日具呈本縣至十二月二十三
日以供結未填月日奉到司駁舉人等已守候
七十餘日又守候三十餘日至正月二十一日

始給發咨文去會試頭場僅四十餘日以致
途晝夜奔馳幸未誤事懇查照會試領咨一定
限期核飭遵行等因查科場條例內載安徽
咨送會試例應在十月給發何以遲延至百
日之久明係書吏任意勒索致令寒士守候
盤費應行文安徽巡撫詳悉查明係何處
之虞申覆到部並查取職名題來以
難之弊並通行各直省督撫

嗣後會試起送咨文務須

公條例

載並該舉人等在縣何日具呈何日到府司
之處詳明敘入咨文以便本部查覈如有逾
本部照例指叅

起送會試

給發舉人盤費

現行事例

一各省舉人水腳銀兩該布政使轉飭各州縣

按數給發

多少各省不等

如有扣剋需索等弊該督撫

卽行查叅會試事竣禮部查照收文冊及龍門

點名冊實在入場人數知照戶部並各省督撫

查覈其人文俱到者均准覈銷若實有丁憂患

病等事在途呈明地方官申詳該撫咨部並知

照該省在京取同鄉京官印結。呈明禮部知照。本省並咨戶部存案。於奏銷時。免其追繳。如係假捏。察出。叅處。出結。官交部議處。

一留京舉人。取具同鄉京官印結。及由吏部並各館咨送者。水腳銀兩。不准給領。

一各省舉人。實係在籍起咨。未及親賁。先行到京取結入場。結內聲明起咨。而咨文於場後始到者。亦准給領。

一苗舉人會試。照本省之例。給與公車銀兩。

例案

雍正八年奉

上諭。各省會試舉人。向例給與盤費銀兩。所以體恤士子。助其資斧之需。聞得各州縣舉人。俱赴布政使衙門領取。道途跋涉。守候需時。吏胥又多勒索扣剋之弊。士子所得無幾。嗣後著從本州縣衙門照數領給。該州縣取各舉人領狀。申詳布政使。於奏銷冊內報部查核。庶吏胥無侵剋之事。而士子亦免跋涉守候之苦矣。若州縣稍有扣剋需索。而督撫失於覺察者。

經朕訪聞。將督撫一併議處。欽此。

雍正九年覆准。會試舉人盤費銀兩。前奉

諭旨。著從本州縣領給。以免其跋涉守候之苦。但此項銀兩。原係三年一領。未便令其久存州縣庫內。致滋侵挪之弊。應將各屬所徵盤費銀兩。按年解交司庫。至會試之年。分令各州縣於庫存雜項銀內支給。布政使將所解盤費銀兩撥還原項。惟是會試盤費。係各州縣額編錢糧。若以本州縣之額徵。卽支給本州縣之舉子。其中多寡

不等。應於會試之年。令各屬將應試舉子。預行報明布政使。該布政使將各屬所徵盤費。合計通省人數。均勻派定。飭行各州縣按數支給。庶屬均平。至於應給盤費銀兩。如有扣剋需索等弊。應令該撫卽行查叅。

乾隆五年覆准。嗣後會試舉子。支領盤費銀兩。如有無事逗遛。及離家不遠。旋即潛歸者。仍照例行追。其中途有患病及丁憂者。取具該管地方官印結。詳明報部。武已經到京投文而丁憂。

患病者亦卽取具同鄉京官印結報部均免追繳如勒指不給及混行出結者交部嚴加議處嘉慶十六年覈准浙江等省咨送舉人唐文熙等俱係大挑一等知縣於分發到省後續由知縣改教當經查明扣除不准會試但其人文均已到部所領盤費水腳銀兩應比照患病事故未經入場之例免其追繳

嘉慶二十一年咨覆安徽巡撫呈稱廬江縣訓導宗杏標係江蘇宜興縣舉人選授今職辛未

甲戌兩次會試由現任教職請咨均非原籍起
文該訓導應領盤費銀兩安徽原奉部單內因
無姓名未經派給江蘇又因未由原籍請咨雖
奉知照亦未照派應由安徽省補給查甲戌科
舉人盤費銀內有原經派給歙縣文舉程德增
一名盤纏銀三十六兩六錢八分七釐嗣奉部
覆因該舉人現任宗學教習由宗人府文送水
腳銀兩毋庸給領其銀現存司庫所有該教職
宗杏標甲戌科應補盤纏可否即將此項銀兩

抵給其辛未科盤纏仍於下屆補派等情應如
該撫所咨將甲戌科現存司庫之款緊舉人程
德增盤纏銀兩先行抵給其辛未科應領銀兩
俟下屆派補均應准其覈銷。

嘉慶二十二年奉

上諭御史謝崧奏請速發會試盤費一摺直隸舉人起
送會試給予水腳銀兩原係國家嘉惠士林優恤寒
畯之恩自應早爲給發俾作長途資斧乃有延至次
年俟該舉子由京回籍始令補領殊乖立法本意嗣

後此項銀兩著各該藩司按照定例於起送會試時飭令該州縣全數給發其本省未經給領者俱查明補給如有書吏剋扣勒措情弊查出嚴懲以均實惠而杜侵欺欽此

又准山東巡撫咨山東省會試舉人盤費一項據稱向係將三年額編銀兩按會試舉人名數均勻攤給概俟請咨後由司覈定應領銀兩自二兩五錢至三兩不等應請嗣後凡遇會試之年該舉人所請咨文奉准飭發後酌擬應領車

價該州縣卽照二兩五錢之數按名隨咨給發。俟通省舉人概行起程入場後由司覈定每名應支銀數飭知該州縣備文赴司領回如各舉人尙有應行拔領零尾一俟回籍卽行照數拔給。

嘉慶二十三年咨覆山西巡撫咨稱駐防鑲藍旗蒙古舉人文善由太原本籍起送會試應遵照新定章程照漢人一體給與盤費等因查駐防廂藍旗蒙古會試舉人文善本部檢查八旗

點名龍門冊業經入場該舉人係駐防起送會試應照直省舉人一體給與盤費

道光元年湖廣總督陳若霖奏查辦苗疆事宜一摺奉

上諭苗舉人有願赴京會試者卽照本省舉人之例給與公車銀兩仍嚴禁書吏需索俾令踴躍觀光等因欽此

道光二年奉

上諭孟佳等奏請借項生息資助旗籍舉人會試一摺

廣東距京遙遠駐防八旗文武舉人進京會試資斧
維艱。加恩著照所請。准其於扣存兵丁馬價存貯藩
庫銀內。賞借一萬兩。發商生息。遇會試之年。每名除
例賞水腳銀二十兩零。外加賞銀三十兩。賞剩餘銀
俟積有成數。陸續歸還原款。年終報部覈銷等因。欽
此。

道光三年奉

上諭。薩秉阿奏請撥項生息。賞給旗籍舉人會試等語。
福建距京遙遠。駐防八旗滿洲漢軍文武舉人進京

會試資斧維艱加恩著照所請准其於閩海關庫貯平餘罰料截曠三項閒款存銀內撥銀一萬兩發商一分生息遇會試之年每名除照例由藩司給水腳銀三十餘兩外加賞銀四十兩年終造冊報部覈銷等因欽此

道光二十一年。准江西巡撫咨稱。宜春縣舉人易在書。於庚子科會試。給發水腳銀兩。領文赴京。詎於二十年二月初二日在京病故。致未投文會試。所領水腳銀兩。家實赤貧。無力完繳。可

否邀免追繳之處。咨部覈覆等因。查江西宜春縣舉人易在書。領咨來京。未及投文病故。既據該撫查明。該舉人實係赤貧。取具各結到部。所有領過水腳銀兩。應准免其追繳。

又前准貴州巡撫咨稱。綏陽縣舉人丁世培。係由廩生中式。道光二十年庚子

恩科本省鄉試舉人。是年十二月初七日。請咨會試。於二十一年正月。行至湖南沅陵縣。告病回籍。當卽報明在案。所有領過水腳銀三兩。應請免其

追繳等語。經本部行文湖南巡撫查明該舉人
是否在沅陵縣呈明有案去後。茲據覆稱。前准
沅陵縣申稱。貴州綏陽縣舉人丁世培。自貴州
領牌進京會試。行至沅陵縣染病。不能赴試等
因。查貴州舉人丁世培。領咨來京會試。既據在
途患病。呈明有案。所領水腳銀三兩。應如該撫
所咨。免其追繳。

道光二十八年。戶部會同本部議覆湖廣總督
等奏籌議湖南苗疆善後章程原奏內開。鳳凰

等廳縣邊字號舉人會試。應照舊章。由道捐給銀四五十兩不等。並勸令屯田兵勇。每名幫銀一錢。或穀一斗。以作路費。至田字號苗舉人。赴京會試。照本省民籍舉人例。給與公車銀兩之外。再由道酌給盤費。由是苗舉人會試。亦勸兵勇等。每名幫穀一斗。近年屯苗兵勇。生計維艱。力難照舊幫貼。查屯防項下。有歲支加增書院義學穀六百石。應請每歲樽節穀三百石。留於鄉試之年。幫給民田舉人。每名穀二百石。由道

給領如遇

恩科中式舉人亦一體照給。所有屯苗兵勇幫貼銀
數永行禁止。其由道酌捐路費舊章亦毋庸再
給等語。禮部查湖南鳳凰等廳縣邊字號舉人
會試由道捐給銀兩。並勸令屯苗兵勇幫貼銀
數。至田字號苗舉人會試照民籍舉人例給與
公車銀兩。再由道酌給盤費。亦勸兵勇等幫給
穀石。近年屯兵生計維艱。力難幫貼。應如該督
所奏。將屯防歲支加增書院義學穀六百石。每

金史卷之二十一
歲樽節穀三百石。留於鄉試之年。幫給民苗舉人每名二百石。如遇

恩科中式舉人。亦一體照給。所有屯田兵勇。幫貼銀穀。並由道酌給路費。均行停止。庶足以示體恤。而免派累。奉

旨依議。欽此

道光二十九年。湖廣總督裕泰奏。查明前奏籌議苗疆善後事宜案內。議給邊字號舉人會試。聲敘未明。奏請更正一摺。奉

上諭裕泰奏查明前奏苗疆善後案內議給邊字號舉人會試盤費聲敘未明奏請更正一摺湖南瀘溪麻陽二縣士子向不編入邊字號該督等上年議給邊字號舉人會試盤費聲敘未明著卽更正裕泰陸費琅著交部察議欽此

附載舊例

順治八年定舉人公車由布政使給與盤費雲南貴州每一名銀三兩仍給驛馬安徽二十兩江西湖北十七兩福建十五兩湖南十四兩廣西十二兩浙江河南十兩山西七兩陝西六兩甘肅五兩江蘇五兩直隸四川四兩山東一兩廣東瓊州府屬三十兩餘府州縣二十兩俱於

領咨日給發。

附載駁案

嘉慶十九年覈准。福建舉人賴丹魁。在籍領咨。來京會試。行至山東館陶縣患病。未據呈明地方官。申詳該撫。咨部立案。除將該舉人之家人所資會試咨文查收外。所有水腳銀兩。未便准其覈銷。

道光七年。准戶部咨准。署浙江巡撫咨。海鹽縣進士朱毓文。水手銀一十兩。據禮部查覆該進士由本省請咨補行覆試。向無開銷水手銀兩之例。覈查嘉慶二十二年。仁和縣進士陸堯春。於丁丑科補行

殿試。所有給發水手銀一十兩。據該進士請免追繳。詳咨禮部覈准在案。今海鹽縣進士朱毓文。由籍起咨。補行覆試。與陸堯春之案相符。自應免其追繳等情。相應仍咨禮部查明咨覆等因。

查浙江海鹽縣進士朱毓文補行覆試之處據
浙江巡撫援引嘉慶二十一年仁和縣進士陸
堯春之案咨請駁銷到部。檢查是年原案內開
據戶部咨查舉人昇祿等三名。是否由籍起程
並進士陸堯春曾否補行

殿試等因到部。經本部查得戊科進士陸堯春中
式進士後丁憂已於丁丑科補行

殿試。至旗籍舉人昇祿裕福成興等三名均係在
籍起咨會試。本部查對八旗龍門點名冊均已
入場與給領水腳銀兩之例相符咨覆戶部並
該撫在案。是本部原文祇以陸堯春業經補行
殿試。咨覆戶部。至應給水腳銀兩係專指會試入
場之舉人昇祿等三名而言。分別至為明晰。並
無准給陸堯春銀兩之語。該撫未經查覈本部
原文以致援引錯誤。所有進士朱毓文原領水
手銀兩應照例不准開銷。至進士陸堯春從前
補行

殿試時該省如果誤行給與銀兩自應一體追繳

以符定例

道光十年。咨覆福州將軍咨。福州駐防文舉人伯政。已丑科會試。在該省請領盤費銀四十兩。行抵常州府地方。因病未能北上。旋即回省。並未於患病處所。呈報地方官。申詳該撫咨部。所領盤費銀兩。未便准銷。

道光十二年。咨覆陝甘總督。甘肅舉人李夔生。據稱在籍請咨會試。中途失去咨批。但並未呈明所在地方官。申詳咨部。未便准其開銷。

道光十三年。咨覆山東巡撫。王辰科會試舉人德凌額。係在京都統文送。王同心係山東舉人。隨父任所。由山西巡撫給咨。其車價銀兩。前准該撫咨稱。應否支給。經本部以該舉人等。均非原籍。啟咨。不准給領。知照該撫在案。至舉人楊迺實一名。由安徽請咨。與王同心事同一例。因該撫從前來咨。並未叙及。本部無憑查覆。所有楊迺實車價銀兩。應不准其支給。至嘉慶二十五年。庚辰科會試舉人王堦慶。檢查本部咨覆。

原案係知照該縣查照向例辦理該省將車價銀兩照數支給係屬錯誤應行追繳。道光十六年據壬午科舉人梁振瀛乙未科舉人莫毓崗各呈稱係廣西荔浦縣舉人幸逢丙申

恩科會試

志切觀光於十五年呈明本縣詳請給咨。維時以廣西詎京遙遠若俟由縣申詳恐稽時日當將本縣印文領帶來京嗣聞並無本省巡撫咨文不准由縣文納卷隨取具同鄉京官印結入場伏查定例取結入場者不准開銷盤費銀兩但舉人等實係在籍起咨因恐誤考領有本縣印文並非留京取結者可比為此取具同鄉京官印結並本縣印文據實呈明伏乞行查本省免繳盤費等情查各省會試舉人實係在籍起咨未及親賁先行到京取結入場結內聲明起咨而咨文於場後始到者准其開銷水腳銀兩今廣西舉人梁振瀛莫毓崗並未起咨均係取結入場其所投該縣申文核與定例不符所

請免繳盤費銀兩之處。應不准行。

道光十八年。咨覆前據舉人葉煥呈稱。係浙江餘姚縣附生。中式道光十四年舉人。戊戌科會試。由原籍請咨到京。正欲投文。檢取箱內文批。不知何處遺失。取結呈明。伏乞恩准會試等因。當經本部覈准。所領水手銀兩。免其追繳。並行文該撫查明。是否在籍起咨。咨覆在案。茲據覆稱。據餘姚縣詳據舉人葉煥詞稱。乙未科會試後。在部改名葉煥。內申科會試後。出京留住山東就館。以戊戌科會試之年。在外就館。文由家起。不知改名情由。所以仍將原名重午起文。寄至山東。即時赴京。正欲投文。箱內失檢。不知遺於何地等情。應咨部查照。查浙江舉人葉煥戊戌科會試時。在山東就館。其會試文書。係由家寄至山東。該舉人並未親自在籍起咨。所有前領盤費銀兩。應即追繳。

道光二十五年。咨覆山東巡撫。文登縣舉人畢瀚昭。係因隱父金。貢縣知縣畢以斌任所讀誦。

由江蘇巡撫入送榮城縣舉人張雲漢。原因在
漕督任所遊幕。由漕督支送。該舉人等均非原
籍。起咨會試。所有水腳銀兩。均應照例不往給
領。

道光二十六年。駐戶部咨查。滇省道光二十五
年乙巳科會試舉人。支過水腳銀兩。據該撫咨
報。石屏州舉人塗構基。王提等。在京取結入場。
本籍咨文後到。所領水腳銀兩。請免追繳等因。
查本部龍門冊內。雲南舉人塗構基。王提。均係
取結入場。咨文後到。惟文內聲明。在京教讀。並
未親身回籍。請咨該舉人水腳銀兩。應不准支
給。

道光二十八年。駐江蘇巡撫咨稱。丁未科會試。
各府州縣應行會試舉人。均經發給咨批。起送
在案。今奉部單。開起咨入場。項下。列有吳師祁
一名。檢查上年請咨案內。並無其人。咨部示覆。
查二十七年會試舉人吳師祁。咨文內開。係江
寧縣附監生。中式甲辰科順天鄉試舉人。遊幕

山西茲屆會試未及回籍請本省咨文稟請就近給咨赴京會試等語。本部查舉人會試非原籍起咨其車價銀兩不准給領。今江蘇舉人吳師祁既由山西起咨會試其水腳銀兩應不准其開銷。